



CUMÜN DA SENT



Il mas-chalch da Sent

Publicaziuns officialas. Cumpara seguond bsögn.

2012-2014

no. 34

7554 Sent, 4 settember 2014

Senda culturala e d'aventüra "Puntins Ots"

La senda d'aventüra Puntins Ots ais üna sporta turistica mo eir per indigens, chi voutan examinar lur cunfin da curaschi. S-chaffi quella ha nos silvicultur, Mario Riatsch in stretta collavuraziun cun Armon Nuotclà, Cla Rauch, la gruppa da god e divers ulteriurs interessats. Ultimamaing ais quella gnüd'inaugurada.

La dürada da la gita s'amunta, cun partenza davent da Sur En, tanter 2 e trais uras e cun partenza davent da Val Glatshera tanter 2 e duos uras e mez. I bsögna ün equipamaint (sezzin da rampagnar cun 2 carabinieri, chaplina).

Üna jada l'eivna vegnan organisadas gitas accumpagnadas. L'adöver e l'access da la senda culturala e d'aventüra po succeder eir in möd independent, però sün agen ris-ch. Il cumün refüsa mincha respunsabilità. Lung la senda as rechattan lös exposts. Diversas tablas d'infuormaziun raquintan sur da l'istorgia da la Val Uina e dals Puntins Ots. Pel adöver da las punts da suas ais ün set d'equipamaint da sgürezza obligatoric.

Ultimamaing ha lura il silvicultur cun si'equipa da god invidà al cussagl cumünal, a l'uffizi da fabrica ed a l'administraziun ad üna gita accumpagnada. In möd cumpetent e cun seis buns agüdonts ha nos silvicultur Mario manà a la brajada vi da grips e sur da punts da suas via. Alchüns vaivan dafatta las chotschas plainas cun as survendscher da passar quellas punts, mo cun ün enorm curaschi ed üna disciplina da fier han finalmaing tuots raggiunt il böt. Pro üna buna boccada ed ün bun süerv as haja conclus l'aventüra a Sur En, la quala restarà a tuots in buna memoria.

Il cussagl cun tuot seis impiegats nu vuess interlaschar d'ingrazchar cordialmaing a nos silvicultur cun tuot si'equipa per quel grond ingaschamaint e la gronda lavur prestada per cha quista sporta ha pudü gnir realisada. I bsögna persunas cun bunas ideas e lura apunto cun gronda voluntà da tillas realisar. Il cussagl cumünal ingrazcha per quel ingaschamaint.

**Cussagl cumünal
Administraziun cumünala**



Nos silvicultur ais il nouv president da la società God Grischun

Avant var duos mais ha nos silvicultur, Mario Riatsch, surtut il presidi da "God Grischun". La società God Grischun ais gnüda fundada dal 2004 our da la fusiun da las anteriuras societats, dimena la società forestala grischuna e la società grischuna dals silviculturs da revier. Mario ha declerà da vulair unir ed avischinar cun sia lavur las gruppaziuns dals indschegnars silviculturs e tuot il persunal chi s'occupa dal bainstar dal god. La società God Grischun dombra 620 commembers e quella edischa, insembel cul uffizi chantunal pel god e la società grischuna d'economia da god (SELVA) il magazin "Bündnerwald". Mario ais il prüm silvicultur chi'd ais gnü tschernü sco president. Quel fat discuorra pella persuna da Mario, dimena üna persuna ingaschada cun corp ed orma pels interess dal god e da seis cumün.

Il cussagl cumünal ha plaschair, cha nos silvicultur ha surtut la bachetta da God Grischun e til vules quattras gratular cordialmaing per quella lezcha pretensiusa cun gronda respunsabilità. Char Mario nus tuots At giavüschain ün bun e sensibel man, tuot il bun e blera satisfacziun in Tia lezcha.

**Cussagl cumünal
Administraziun cumünala
Gruppa da god**

Da dar a fit

A partir da subit ün' abitaziun da 3 ½ stanzas Sot Pradè 139A.
Interessents s'annunzchan per plaschair suot tel. 081 921 25 63, Anna Sonderegger, Via Principala 18A, 7031 Laax.

Anna Sonderegger

Vacanzas pratcha dal meidi / Praxisferien

La pratcha dal meidi ais serrada da **gövgia, als 2 october 2014 fin dumengia, als 19 october 2014.**

Sur il nomer d'urgenza dals meidis da chasa d'Engiadina Bassa **081 864 12 12** vegnan Els/Ellas colliats/colliadas d'ürant 24 uras al di e 7 dis l'eivna directamaing cul meidi da chasa chi ha servezzan.

Die Arztpraxis bleibt von **Donnerstag, 2. Oktober 2014 bis Sonntag, 19. Oktober 2014** geschlossen. Über die Notfallnummer der Hausärzte des Unterengadins **081 864 12 12** erreichen Sie rund um die Uhr an 7 Tagen der Woche direkt den diensthabenden Hausarzt.

Dr. med. Iris Zürcher

Pro Senectute

Charas senioras, chars seniors

Per plaschair reservai las seguaintas datas per ün flot tramagl:

7 october 2014

4 november 2014

2 december 2014

Davomezdi d'excursiun

Istorgias

Far pastinas in cumpagnia

Per ulteriuras informaziuns stan a disposiziun:

Chatrina Ritzmann 081 864 93 59

Annelise Süsstrunk 081 864 70 60

Pro Senectute

Via d'Uina

Causa lavurs da refacziun resta la via d'Uina, davent dals Puntins Ots, serrada a partir dals 13 october 2014 per 3 – 4 eivnas. Il scumond vala per qualunque trafic, velos e peduns.

**Cussagl cumünal
Uffizi forestal**

Grotta da cultura

Sonda, als 6 settember, 20:15h (a Schigliana, entrada CHF 15.-)*
Prelecziun da **Leta Semadeni** cun üna introducziun da **Rico Valär**

Venderdi, als 12 settember, 20:15h (aint il Piertan, entrada CHF 25.-)*

Wolken Melken – prelecziun da **Rhaban Straumann**, cun accumpognamaint musical dad **Alexander Curtius** (Sax) <http://www.rhabanstraumann.ch/>

Venderdi, als 3 october, 20:15h (aint il Piertan, entrada CHF 25.-)*

Comme Dieu en France – ün viadi musical tras Frantscha cun **Zephyr Combo**
<http://www.zephyrcombo.ch/musique>


Venderdi, als 17 october, 20:15h (aint il Piertan, entrada CHF 25.-)*

Balduin Bählamm, der verhinderte Dichter (von Wilhelm Busch, mit inspirierend-bissigen Kommentaren seines Lieblingsphilosophen Arthur Schopenhauer) – da e cun **Vera Bauer** (pleds, chant e violoncello) <http://www.verabauer.ch/>

*Vendita da bigliets a partir da las 19:30h a Schigliana

Reservaziun da plazzas il di avant da las 17:00h fin las 19:00h (079 439 89 22).


Grotta da cultura



di da
Peider Lansel
Venderdi, 19 settember 2014

9:00 - 10:30 Café litterar illa Grotta da cultura
13:30 - 16:00 Davomezdi per uffants e creschüts in chasa da scoula
19:00 - 20:00 Portas avertas in chasa da scoula
20:15 Occurrenza illa sala da gimnastica suot l' insaina da Tamangur

Societä d' Ütil public SENT
Lia Rumantscha



Di da Peider Lansel
19 settember 2014

In algordanza al grond poet sentiner invida la SÜP a tuot la populaziun ad ün di da Peider Lansel e s'allegra chi'd es gratià da collavurar cun persunas cumpetentas da la regiun.

Per ün di interessant pisseran tanter oter Risch ed Angelica Biert, Anna Mathis Nesa, Uorschla Natalia Caprez Brülhart, Mario Pult sco eir persunas da Sent chi s'algordan amo da quella persunalità importanta per la cultura rumantscha.

Remarchas La premissa per realisar ün cuors es ün minimum da 5 partecipants. La lingua d'instrucziun es rumantsch/vallader. Il mez d'instrucziun es „In lingia directa“. **Bemerkungen** Für die Durchführung der Kurse gilt ein Minimum von 5 Teilnehmenden. Unterrichtssprache ist Romanisch/vallader (= Unterengadiner Idiom). Lehrmittel ist „In lingia directa“.

Infuormaziun ed annunzcha/Information und Anmeldung

Lia Rumantscha, Via Sura 79, 7530 Zernez, Tel.: 081 860 07 61

E-Mail: irengiadina@rumantsch.ch; www.liarumantscha.ch

Termin d'annunzcha / Anmeldetermin: 12 settember/September 2014

Für Anfänger:

1. Kursabend: 17-09-14 (Zernez)/18-09-14 (Scuol), jeweils 20.00 Uhr

Tschels cuors: tenor cunvegna / übrige Kurse: nach Vereinbarung

Dürada / Dauer: 10 x 90 Minuten

Cuosts / Kosten: Fr. 350.–

Lös / Orte: Scuol, Zernez, Ftan, Lavin (chasa da scoula/Schulhaus) Sent (Sot Pradè 222)

.....

ANNUNZCHA / ANMELDUNG (auch/eir per E-MAIL)

P.pl. far üna cruschina e trametter a l'adressa indichada survart

Bitte ankreuzen und an obenstehende Adresse schicken

- Anfänger 1 Scuol (keine Vorkenntnisse)
- Anfänger 1 Zernez (keine Vorkenntnisse)
- Principiants 2 Scuol (Lecziuns 3 + 4 dal mez d'instrucziun, guarda survart)
- Principiants 3 Scuol (Lecziuns 5 + 6 dal mez d'instrucziun, guarda survart)
- Avanzats 1 Ftan (davent da la lecziun 8 dal mez d'instrucziun, guarda sura)
- Cuors da conversaziun Sent (abiltà da s'exprimer in rumantsch)
- Cuors da conversaziun Lavin (abiltà da s'exprimer in rumantsch)

Nom e prenom / Name und Vorname

Via / Strasse

Lö / Ort

Telefon

E-Mail

A tuot ils chatschaders, da la Tardanna e dal Grischun, giavüschaina ün schlass in bocca d'luf, ün bel temp da recreaziun sainz'accidaints ed ün man quiet quietin, uschgliö va'l spera via.

La redacziun